

L V D O V I C O L V D O V I S I O

S. R. E.

CARDINALI CAMERARIO,

PRINCIPI AMPLISSIMO.

VETVSTI GENERIS, HÉROICARVM VIRTVTVM,

MAGNARVM DISCIPLINARVM

SPLENDORE

NOSTRVM AEVVM ILLVSTRANTI.

MVSAS, ET INGENIA

MVNIFICENTISSIME EXCOLENTI, FOVENTI.

F E R D I N A N D V S


C A R O L V S

VETVS CLIENS HVMILLIMVS

PERPETVÆ VENERATIONIS

ARGVMENTVM

D.



L V D O V I C O

L V D O V I S I O

S. R. E.

*Imprimatur si videbitur Reuerendis. P. Magist. Sac. Palas.
Apostol.*

P. Episc. de Curte Vicefg.

Imprimatur.

Fr. Ignatius Ciantes Romanus Lector, & Reuerendissi-
mi P. F. Hyacinthi Petronij Rom. Sac. Apost. Pal.
Mag. Socius, Ord. Præd.

NOSTRA MVNA AVVA ILLVSTRANT.

MAVSAS, ET INGENIA

MYNIFICENTIA ME EXCELENTI HONORI.

F E R D I N A N D V S

C A R O L V S

AVTAS CLIVS HAMILLIVS

PERPETVÆ VENERATIONIS

AVGVMENTVM

D.

SERMO
DE CHRISTO
ASCENDENTE

AD
GREGORIVM XV.
PONT. OPT. MAX.

IN TEMPLO VATICANO
AB FERDINANDO CAROLO
HABITVS.



OVVS iste triumphator, qui aeris
inaccessa perambulat, omnium vota
mortalium, omnium in sese (Pater
Beatissime) conuertit mentes ange-
lorum. Hinc enim circumfusa super-
norum ciuium agmina, inde plebs di-
lecta fidelium, radiantem illius cruo-
re purpuram, fortitudinem brachij, captiuam captiuita-
tem, & vinctos de lacu educantis in altum, primæuo,
triumphaliquè hymno concelebrant. Cælites arcani inter

4
vtramque naturam connubij interpretes, oratores infantis verbi, pastorum duces, fugæ monitores, in deserto ministri, solamen in horto, nuncij resurgentis, hodierni demum triumphi plausores exultant, humani generis; iam constituto fœdere perpetuo; concives, & socij. Humiles terrarum hospites, mortalitatis nostre secum; veteris Adæ peccantis indumentum; pauperie, lapideo cultro, laboribus, cruento sudore, contumelijs, flagris, calamo, spineo ferto, clavis, lanceæ, iofructu robore paulò ante conscissum, in lucis claritatem, in splendorem incorruptionis gratulantur esse formatum; & gens vtraque, vnum effecta, lætatur tandem esse restituta cœli, terrarumque commercia; dirempta, cum verus serpens irritato conatu deiectus, dolo circumuentos hominum parentes conijceret in miserrime proscriptionis exilium, & de flendæ mortis ærumpas. Hoc nimirum illud erat, quod regius Vates olim cecinerat, cum, mente cœlos transmeans, æternitatis arcana lustraret, & hodiernæ lucis vsuram prægustans, dominum ascendentem in voce tubæ, ascendentem in exultatione conspiceret, hortareturque gentes vniuersas ut plauderent, ut Regi Deo, terrarum Domino sapienter psallere. Summus namque Rex iste, noster, nō translatus ex hac depressa lacrymarum valle, ut ille magnus Enoch, qui, egressus cum Deo, nusquam postea mortalibus se præbuit conspiciendum; non equis igneis, & flammeo curru, ut Elias, in sublimi, sonanti- quæ turbine raptus, super ventorum pennas vehitur, cælum cæli ad orientem conscensurus, diuina illa virtute sua subnixus, quam stella motu, loco, magnitudine, ful-
gore.

5
gore mirabilis prædicauerat; quam Magi, extremis terrarum finibus. Iudeas in oras, cælo docente, deducti, asseruerant; quam cælestis Spiritus, in Iordane patefecerat; quam eodem in flumine, quam excelsa etiam in monte discipulis adstantibus, Moysèquè, & Elia cum Salvatore ipso de magno illo excessu in Caluaria monte consumando colloquētibz, æternus Pater, æternum de se ipso Deo Deum, Filiumquè sibi dilectum proclamans, vniuersis sæculorum omnium gentibus testatam esse voluerat. Cuius diuinæ virtutis radij toties emicuerant, quoties ostentis, atque prodigijs; quibus dextera nulla potentior; dæmonum phalanges prosterneret, aereasq. potestates, harum tenebrarum principes imperio, deijceret; quoties virtutibus, & signis, quibus dextera nulla fecundior; terrigenas malis obsessos genijs, morbis, & calamitatibus pressos, subleuaret. Cuius diuinæ virtutis claritas tum maximè enitueret, cum in figuram mortalitatis nostræ formatus ex intacta Virginis aluo prodiret; cum tumentes pelagi procellas imperio compesceret, vestigio calcaret; cum in monte figuram humana figura augustiorem induceret; cum in suprema cœna suum Corpus sanctissimum; incomprehensū amoris pignus, discipulis manducandum proponeret. In cuius virtutis multitudine perpetua luce micantes empyreas domos petit, numquam tamen à nobis discessurus. Qui enim, veniens ubi iam erat, Regales suas sedes non deseruerat, nunc, cō regrediens, vnde non abierat, vineam suā dextera, labore, sanguine consitam, & cultam, numquam deferet, quam egregia turri munitam, & muro firmissimo circumseptam, atque vallatam,

tam, ferus aper frustra vastare conatur; vineam istam ip-
 sam, olim futuram maximam, atque pulcherrimam,
 quam vniuerso terrarum orbe diffusam, ex vniuerso ta-
 men orbe terrarum collectam in augustissimo isto to-
 tius Christiani orbis templo, in isto inquam veræ pietatis
 domicilio sanctissimo, læti conspiciamus, atque mirantes;
 quacum ad finem vsq; sæculi se perseveraturum affirmavit
 verbum illud astrarum, & orbis auctor, & opifex, cuius spi-
 ritu solidissimi cælorum cardines sunt firmati, cuius impe-
 tu virtus omnis illorum irrequieta vertigine raptatur in gi-
 rum. Diuina igitur virtute sua dominus despicit terras, tra-
 silit montes, & ad viuentium patriam pandit iter sectanti-
 bus se mortalibus, ingressurus in sancta, & oblaturus Patri
 Deo primitias terræ suo cruore perfusæ, nec iam spinas
 amplius, & tribulos, sed rosas, & lilia germinantis. Ac, velu-
 ti Phoenix, auis post longos sæculorum circuitus visa
 terris, è rogo profilit, inferens æthereas in sedes præiū se-
 pulchri, Adq; nepotes, extincta morte, redēptos, specioso ali-
 gerum comitatu nouā illius faciem mirantium; dum forma,
 & caro nostra, eiusdemq; naturæ substantia sublimis euolat,
 omnes naturæ vires supergressa, super omnes creaturæ natu-
 ræ substantias in augustissimo ipsius diuinitatis solio collo-
 canda; animæ plenè beatæ splendore ceruscans, terreni
 ponderis oblita; expers omnis crassitie, passionis, & inte-
 ritus nescia, & exuta omni tarditate, impigrè exequēs vni-
 uersa mentis imperia. Quæ, manibus eleuatis, hostium
 copias, impiosq; conatus dextera terribili profligatura, &
 contritura immanium capita draconum, hæreditatem
 istam præclaram, nouam Hierusalem, cælo delapsam, suis
 insti-

institutis formatam, suo sanguine paratam, & ab omnibus
 peccati sordibus emundatam, ingentibus pollicitis, & mul-
 tiplici benedictione confirmat; fidei nostræ robur, firma-
 mentum spei, incrementum charitatis. Sed quoniam abis
 ò formose, ò sanctarum animarum dilecte, Patris imago
 pulcherrima, vis, & splendor inaccessibilis paternæ maie-
 statis, & gloriæ? quonam aspectus ille iucundissimus cæ-
 lum, terrasq. exhilarans? serenum illud os, cordium mubi-
 la pellens, discutieris caligines omnes, & umbras mortis, ac
 scelerum? congressus, & alloquia vitæ pondus, vitæ vires
 habentia? lucidiora illa sole vulnera, sacrum illud pectus
 hians, unde arenti nostræ mortalitati salutis fluuenta ma-
 narunt? Ille verò prouehitur, & toto agro palantes disci-
 puli stant, iacent, in genua proiecti, tollunt palmas, & ora,
 immoti, luminibus in abeuntem defixi, hærent, gestiunt,
 liquefcunt, æternorum collium desiderio tabescentes, illius
 amore languentes, qui, exaltatus super omnia, in illis iam
 ostendit, quæ suauitate ad se trahat, quæ virtute repleat
 vniuersa. Hic, qui sensus animorum? quæ verba cordium?
 quis ardor mentium? quæ vota, præces, gaudia, admira-
 tio, silentium? Syderei autem orbes, qui? Iosue quondam
 iubente, rapidissimos meatus cohibuerant, qui orante Eze-
 chia, gradum etiam aliquando retulerant, conditorem, &
 regem suum excepturi, quos astrorum concentus, atque
 choreas dulci numerorum conuersione contemperant?
 quanta luce, quam insueta decorant diem istam primoge-
 niti illius sabbathi æmulam, quo diuina lex dierum opera
 sunt, domino quiescente, conclusa? Quæ quidem præcla-
 rissima dies mihi videtur, tot linguis enarrare triū phantis
 glo-

gloriam, quot vndiq; radiat aucta fulgoribus, atquē his vocibus exclamare. Gaudeat aliqua dies primæuo vniuersi opificio, difusosq; super inanem rerum naturam pulcherrimæ lucis thesauros admiretur; alia verò quædam firmamentum inter aquas extensum, agrosquē omni florum, & herbarum copia vernātes, vbertatem soli, frugumquē diuitias extollat; alicui etiā dici liceat luminaria magna supernis orbibus infixæ, lucisquē & umbrarum alternas vices, & aliorū luminibus distinctas cælestes plagas ostentare; repulsiū, atquē natantium agmina, populos pennatorum, atquē mortales demum ipsos, cæteris animantibus imperaturos, ex informi limo obstetricante omnipotentis manu, erectis ad cælum visibus à se primum prodire visos: quæcumque volet dies iactet; in me verò quot, quantaq; sunt opera dextere excelsi perfectæ, atquē profectæ? In me cælorum, diū nimis expetita sede mortales aduenas arcenium, fores adamantinæ immaculati sanguine agni molitæ referantur; per me beatorum supernæ Hierosolymæ ciuium numerus augetur; in me lapsi reparator orbis, ab vniuerso opere, quod immenso labore patrauit, tandem requiescit; ex me in omnem æternitatem perennatura, melioris æui, & feliciū pacis sæculorum ducuntur exordia. Sed interea nostris nubes obiecta luminibus dominum cælo redditum humanis admittit obtutibus, & viros albis stolis amictos effundit, latentia sequentis cui momenta referaturos. Terrenus igitur conticescat sermo; vbi excipienda est cælestis oratio. Iamquē loquentes angelos audite. Dixi.

L A V S D E O.